

COMUN: En domènia ai 22 de merz, dales 7.00 - 23.00, y en lönesc, ai 23 de merz, dales 7.00 - 15.00, é da jí a lité (referendum dl stat). Chirisse bele sègn la cherta da lité. Sc'i ne la ciafèis nia plù o sc'ara é bele timbrada deplègn, passede prèibel l'edema dan les lîtes te Comun tratan les ores d'ofize a ves lascé fá na cherta nôia.

PLOANIES SAN MARTIN Y LUNGIARÜ

Via Crucis sö Oies: La sabeda ai 21 de merz, se metará i ministranc y les schires joniles dla Val Badia sön tru por dí les staziuns. An piará ia düc adöm da San Linert dan colonia dales 14.45 y jará deboriada en prozesciun cina sö Oies. Tl caje de bur tèm s'incuntarán diretamenter sö Oies dales 15.15. Dedô s'abinarán a na Mëssa cun aurela cörta ala fin. Düc é dër bel invιά da tó pert!

La Uniun dles Ères da San Martin y Lungiarü rengraziëia dla bela spenöra de indöt 834 euro (417 euro a San Martin y 417 a Lungiarü) por le de mondial de oraziun dles ères y che é gnüda menades inant.

Invit al'ora de oraziun tl apartamënt de siur Heinrich Videsott a La Val en dedemesaledema, ai 18 merz, dales 20.00.

SAN MARTIN

La Uniun di Èi da San Martin inviéia dër bel ala Mëssa ciantada de Sant Ojöp en jöbia, ai 19 de merz, dales 19.00; do mëssa é i èi invιά a na picia istruziun te dljia.

LUNGIARÜ

La Uniun di Èi da Lungiarü inviéia düc ala Mëssa de Sant Ojöp en jöbia, ai 19 de merz, dales 19.30; do mëssa é i èi bel invιά ala istruziun cun siur Klaus tl salf dles manifestaziuns.

Le Consèi de Formaziun da San Martin inviéia al referat „Ho detto NO e poi NO!! Come e perché i NO servono alla crescita“ cun la dot. Giuliana Franchini en lönesc, ai 16 de merz, dales 19.30 tl salf dl Istitut Ladin a San Martin.

La Uniun Ladins inviéia ala sentada generala en vëndres, ai 20 de merz, dales 20.00, tl salf dl Istitut Ladin a San Martin

En vëndres 27 de merz vègnel fat tl Museum Ladin Ciastel de Tor granares por la Domènia dal Orí por mituns da 3 a 11 agn acompagná da n adult. Prèibel prenotesse telefonan a 0474 524 020 o por mail prenotaziuns@museumladin.it - por granara é da paié 10 euro - i posc é limitá a 20 por grup: pröm grup dales 14.30 - 16.00 - secundo grup dales 16.00 - 17.30.

A Colfosch vègnel presenté en dedemesaledema, ai 25 de merz, dales 18.00, tl salf dles manifestaziuns n film sura la "Fossa Santa" de Paolo Vinati de 15 menüc. Dedô ván a ti ciaré ala Fossa Santa tla dljia da Colfosch.



Plata dles Ploanies San Martin y Lungiarü



ploan siur Klaus Sottsas 344 15 54 055 - klcottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194

15.03.26 - 22.03.26 n. 16

termo por comunicaziuns: jöbia, dales 20.00



4ª DOMÈNIA DE CARSÈMA - A

Vangele do san Jan 9,1-41

Jon por tru, â Gejù odü n èl che ê verc da so nadè insö. Dailò l'â sü discepuï damanè: Rabbi, ch'è pa fat picé? Èl instès? O à sü geniturs fat picé, ch'al é nasciü verc? Gejù à respognü: No sü geniturs, no èl n'â fat picé, mo l'opra de Dî dess gnì manifestada pro d'èl. Do ch'al â albü dit chësc, àl spodé ia por tera; spo àl fat cun la spöda na pâsta, ti l'â sferiada al verc söi edli y ti à dit: Va y làete tl lêch de Scïloa; L'èl é jü y s'â lavè. Y canch'al ê indô gnü, odôl. Al ê indere sàbat en chël dé che Gejù â fat la pâsta y ti â daurì i edli. Ince i farisês l'â damanè, cô mai ch'al odô indô. L'èl ti à respognü: Al m'â metü na pâsta söi edli; spo m'â lavè y sègn vèighi. Valgügn farisês minâ: Chësc chestian ne sciafia nia da gnì da Idî, deach'al ne tègn nia le sàbat. Mo d'atri dijô: Cô po pa n picíadù fá de te' sègns? Insciö é saltè fora na despartiziun danter èi.



Al é chilò n verc y jënt se damana do la rajun dla maratia y chë che é de colpa. Sc'i conesciun la rajun, minunse da n'avèi instèsc degöna responsabilité. Mo al nen vègn un che ne se tira nia sotfora y dèida le verc da rovè pro la löm. Y la jënt damana co che chësc á sciafié da sozede, impede s'alegré. Magari nes cunta le vangelist chësta storia, ch'i ne stunse nia a iudiché, sce chësta porsona alda bëgn pro nos, sc'ara n'é mine instèssa de gauja o sc'ara é ma massa frada, mo ch'i fajunse les opres de Dî y ch'i s'alegrunse sce le bëgn garetà. image

EDEMA - A	SAN MARTIN	LUNGIARÛ	
15.03.26 4^a DOMËNIA <i>Laetare!</i> DE CARSËMA - A <i>Domënia di Seminars</i>	9.30 Corona/Staziuns (<i>siur Klaus</i>) 10.00 Gran Mëssa por la comunité en onur de S. Ojöp da Nazaret vis y def. fam. Flöss, Coltlames ++ Otto y Paola Clement <i>Oferta por i seminars</i>	7.50 Les Staziuns ciantades dal Cor (<i>siur Klaus</i>) tratan les Staziuns vègnel dé l'Öre Sant 8.15 Gran Mëssa por la comunité + Giovanni y Herta Clara dl ann + Guido Clara ++ Iaco y Veneranda Clara, Oriana <i>Oferta por i seminars</i>	 <p>I periun do l'intenziun dl Papa por le mëis de merz</p> <p>I periun che les naziuns vais inant cun n dejarmamënt efetif, dantadöt cun le dejarmamënt nuclear, y che i responsabli tl monn vais por le tru dl dialogh y dla diplomazia y nia por chël dla violënza.</p> <p>-----</p> <p>Al é demorvëia ch'al é danterite tres indô porsones che é bunes da dí "impó".</p> <p>Al n'é de chi che nes rí ados - ince sc'ai á legremes ti edli.</p> <p>Al n'é de chi che combat inant - ince sc'ai á le cör ferí.</p> <p>Al n'é de chi che spera inant - ince sc'ai é porseghitá da desfortünes.</p> <p>Al n'é de chi che ne se lascia nia sciuré jö - ince sc'ai á fat de burtes esperiënzes.</p> <p>Al n'é de chi che creï tl lominus - ince sc'ai passa fora por la scurité.</p> <p>Al n'é de chi che ó bun - ince sc'ai incunta incërch ma sënn.</p> <p>Al n'é de chi che é fins - ince sce la vita é groia cun ëi.</p> <p>Al n'é de chi che ne la dá nia sö - ince sce le tru é sfadius.</p> <p>Chësc "impó" vëgn da nosta fede, dala fede te Chël Bel Dî, dala crëta te nos, dala crëta ti atri y dala crëta di atri te nos. Mo dantadöt crësc la forza de chësc "impó" dala fede tla ressozeziun de Gejú che é le scomenciamënt de nosta ressozeziun y che lomina bele sëgn ite sön nosc tru adincontra a Pasca.</p> <p style="text-align: right;"><i>Elmar Simma</i></p> 
16.03.26 <i>Herbert, Damian</i> Lönesc			
17.03.26 <i>Gertrud, Patrich</i> Dedolönesc	degöna mëssa		
18.03.26 <i>Ziril, Eduard</i> Dedemesaledema	18.00 Les Staziuns cun scolares y scolars	7.30 Mëssa + Vittoria Clara 16.00 Les Staziuns cun scolars y families	
19.03.26 <i>Festa di peri</i> Jöbia <i>Sant Ojöp</i>	19.00 Mëssa (<i>don Marco</i>) en onú de Sant Ojöp por la Uniun di Ëi + Helmut Frenner + Ida Deiacó dedô istruziun por i ëi te dlijia	19.30 Mëssa (<i>siur Klaus</i>) en onú de Sant Ojöp por la Uniun di Ëi por les families de Angel Sorà dedô istruziun por i ëi tl salf dles manif.	
20.03.26 <i>Irmgard, Claudia</i> Vëndres	19.00 Funziun Penitenziala		
21.03.26 <i>Cristian, Diana</i> Sabeda	18.00 - 18.30 Confesciuns 18.30 Mëssa prefestia (<i>don Marco</i>) + Alfred Videsott + Maria Planatscher Trebo, dl ann +++ Tone, Maria y Pire Unterweger de rengr. ++ Giovanni y Perpetua Rubatscher + Albert Trebo, dl ann		
22.03.26 5^a DOMËNIA DE CARSËMA - A	9.30 Corona/Staziuns (<i>don Marco</i>) 10.00 Gran Mëssa por la comunité de rengraziamënt ++ Sepl y Regina Clement, dl ann ++ Maria y Franz Chizzali, dl ann dedô poscibilité da ciafé l'Öre Sant	7.50 Les Staziuns 7.50 - 8.10 Confesciuns (<i>don Marco</i>) 8.15 Gran Mëssa por la comunité por les families dl Sanví aniv. + Frida Dapoz ++ Paul y Zita Dapoz + Roslinda Deiacó	